

**38. Generalna UNESCO Konferencija
Pariz, 06.11.2015. godine**

Obraćanje ministra civilnih poslova, g-dina Adila Osmanovića

Poštovani predsjedavajući,
Poštovana generalna direktorice,
Vaše ekselencije,
Dame i gospodo,

Molim vas dozvolite mi da vas pozdravim u ime Delegacije Bosne i Hercegovine i da izrazim zadovoljstvo što sam ovdje, na 38. sjednici Generalne UNESCO Konferencije.

Uloga UNESCO-a danas, kada slavimo 70 godina uspostavljanja, je još značajnija, obzirom da nas misija UNESCO-a osigurava sa smjernicama uz koje kroz saradnju u oblasti obrazovanja, nauke, komunikacije i kulture gradimo bolju budućnost.

UNESCO je organizacija koja ima kapacitet da pruži odgovore na ključne globalne socijalne izazove modernog svijeta i u tom smislu smatramo da se trebaju postaviti prioriteta i definirati aktivnosti.

Želim izraziti podršku predloženom UNESCO programu za naredni period, te da istaknem posvećenost Bosne i Hercegovine aktivnoj saradnji sa UNESCO-om, u cilju realiziranja postavljenih ciljeva.

U Bosni i Hercegovini Reformska agenda je usvojena, te su u toku vrlo značajne reforme u oblastima koje su u okviru mandata UNESCO-a.

Posebno značajne reforme se implementiraju u oblasti obrazovanja s ciljem osiguranja jednakog pristupa u obrazovanju za sve, poštujući različitosti i prevenirajući diskriminaciju, te s ciljem razvoja modernog obrazovnog sistema.

Dosadašnje iskustvo je pokazalo da je obrazovanje vrlo važno za očuvanje mira i za razvoj demokratskog društva, zasnovanog na povezanosti, razmjeni iskustava i dijalogu na lokalnom, nacionalnom i međunarodnom nivou.

U oblasti nauke, u skladu sa strateškim dokumentima smatramo da je među ključnim ciljevima pronalaženje rješenja za pitanja očuvanja okoline, voda i drugih prirodnih resursa.

Smatramo da samo kroz zajednički rad i saradnju možemo pronaći odgovore na globalna pitanja i izazove koje samo nauka može pružiti, tako da podržavamo inicijative i projekte koji doprinose ovoj svrsi.

U sportu smo posvećeni saradnji, posebno u oblasti koja se odnosi na prevenciju nasilja na sportskim terenima i prevenciju dopinga u sportu. Investiranjem u sport doprinosimo razvoju društva, te promocijom sportskih vrijednosti njegujemo mir, toleranciju i ljudsko dostojanstvo.

Kulturna različitost je jedan od ključnih elemenata tradicionalnih i kulturnih vrijednosti Bosne i Hercegovine. Prvi element nematerijalnog naslijeđa, Zmijanjski vez, je ušao na Svjetsku reprezentativnu listu nematerijalnog naslijeđa, dok ove godine očekujemo pozitivan odgovor vezan i za Konjički drvorez.

Posebno želim istaći da je Bosna i Hercegovina predala kandidaturu za članstvo u Svjetskom komitetu za naslijeđe, te se iskreno nadam da ćemo dobiti neophodnu podršku i mogućnost da doprinesemo i podijelimo naša iskustva kroz učešće u radu ovog veoma važnog tijela.

Da kultura ne poznaje granice, te da nas naše kulturno naslijeđe sve povezuje pokazuje iskustvo nominacije stećaka, srednjevjekovnih nadgrobnih spomenika za upis na Listu svjetske baštine, gdje smo radili zajedno sa Srbijom, Hrvatskom i Crnom Gorom.

Ove godine smo obilježili 10. godišnjicu stupanja na snagu UNESCO Konvencije o zaštiti i promociji različitosti kulturnih izražaja, imajući u vidu da očuvanje i njegovanje kulturne različitosti je preduslov postojanja osnovnih ljudskih vrijednosti društva i osnovnih ljudskih prava.

Još jednom, želim izraziti želju i spremnost Bosne i Hercegovine da dalje doprinosi ostvarenju ciljeva i prioriteta UNESCO-a u smjeru očuvanja mira, iskorjenjivanja siromaštva, osiguranja održivog razvoja i promocije interkulturalnog dijaloga, poštujući kulturnu različitost.

Hvala na pažnji!